


萊蕪縣鄉土志



萊蕪縣鄉土志

知縣事湘南何聯甲編輯

邑人畢松齡


景英生

張惠芬

潘暎臨

呂憲崧

潘逢午分校



目錄

歷史

政績錄

軍事錄

耆舊錄

人類

戶口

氏族

萊蕪縣鄉土志

宗教

實業

地理

山

水

道路

物產

商務

萊蕪縣鄉土志

歷史

未置本境以前

萊蕪縣之置始於漢以大無萊柞兩山得名左傳與之無山及萊柞是也  
虞夏屬兗州於周為嬴春秋桓公三年公會齊侯于嬴又為平州又為牟  
國宣公九年公會齊侯于平州桓公十五年邾人牟人葛人來朝秦屬齊  
郡漢始置縣魏晉因之

既置本境以後

劉宋時有萊蕪縣析其地入嬴牟貝邱三縣隋末始復五代因之宋屬京  
東西路襲慶府金屬山東西路泰安州元因之明洪武元年直隸濟南府  
二年屬泰安州

國朝初屬山東布政司泰安府雍正十二年屬泰安直隸州十三年州升府

萊蕪縣鄉土志

二

屬仍舊



政績錄

興利

漢

范冉字史雲冉或作丹陳留外黃人也桓帝時為萊蕪長以清廉稱民歌之曰甑中生塵范史雲釜中生魚范萊蕪

元

趙尚敬字伯恭奉高人至元間為萊蕪尹時縣治新復官解祠宇多傾圮尚敬捐俸葺治修學之功尤偉

和道字祥卿河南懷慶人延祐二年令萊蕪性嚴明勸農桑招流移修館舍尤加意培植士類秩滿去士民為立德政碑

明

傅國璧江西臨川人隆慶四年以舉人令萊蕪才能肆應遇事敢為修學

萊蕪縣鄉土志

三

宮建觀禮書院於垂楊保用形家言改縣南城門以骨鯁忤當道左遷應天府教授

國朝

朱永功吳縣人順治間以拔貢令萊蕪勸農桑斥羨耗為政不務苛刻而士民畏服去之日攀轅卧轍者自庭達境上車數日始得去

葉方恆字學亭崑山人康熙八年由進士令萊蕪時連年亢旱甫下車禱於神立應有鄭宏之目先是青州饑民就食於萊者千人方恆惻然備資遣歸即日謀諸父老做社倉法置穀麥以備凶歉春秋周視原野課雨占晴往往形諸吟咏邑乘失修百餘年方恆編輯而重刊之蒞任數年諸廢具舉

去害

漢

韓韶字仲黃潁川舞陽人也少仕郡辟司徒府時泰山賊公孫舉偽號歷年守令不能破多坐法尚書選三府掾能理劇者乃以韶為嬴長賊聞其賢相戒不入嬴境

明

王宗義字宜之霸州人嘉靖十二年任萊蕪縣丞縣依山田肥磽或相倍蓰里胥因緣為奸輒顛倒而輕重之宗義至按籍手注參互其丁為難易輕重之等其弊遂革

郭鄰陝西渭南人萬曆十年以貢生令萊蕪值旱蝗鄰令民撲蝗以粟易之蝗不為害

張宏襟陝西鄠縣進士萬曆四十一年令萊蕪四十三年大饑人相食宏襟賑濟有方民賴以安

馮守禮山西猗氏進士崇禎十五年令萊蕪時值饑荒之後招撫流移民萊蕪縣鄉土志

資以息會鼎革盡節城南門下

國朝

穆從墨遵化人順治元年以歲貢令萊蕪值山寇蜂起井里蕭條從墨招流亡赦脅從懲刁俗誅舞文涖任一年境內康復

武士豪號方塘直隸真定進士順治五年令萊蕪時寇盜侵擾鄰封憚士豪威不敢入境

戎式宏字以剛靳縣人康熙間令萊蕪三載歲饑捐賑貧民流離賴以復業者數千家

周俊鑲藍旗監生雍正四年令萊蕪剔除弊政凡有害於民者若疾之在已身去之日父老致為泣下

聽訟

明

李德洪武末令萊蕪公勤廉幹聽斷有方秩滿民詣闕乞留在縣十五年而卒

馮永固山西陽曲進士宏治九年令萊蕪練達識大體訟簡盜息化行俗敦輿論翕然

陳甘雨福建莆田進士嘉靖二十三年令萊蕪創修縣志李中麓稱之曰青年博學有揮霍之才刑清事簡有餘力而為是舉人以為知言

馮盛明字元夢直隸涿州人萬曆己丑進士二十五年令萊蕪推誠撫物片言折獄得情輒諭遣之不施鞭笞

國朝

吳大梁不詳其里居康熙間由監生令萊蕪斷獄不事鞭笞泣任數載囹圄以空

高克譽江都舉人雍正三年令萊蕪時值漕糧開徵克譽禁絕羨餘民有萊蕪縣鄉土志

五

訟數語立判人無冤者

紀淦字秋水直隸文安舉人道光元年令萊蕪善聽斷燭兩造曲直無少爽時巡行縣境察民疾苦民奉之如神明

兵事錄

周

敬王二十年夏魯侯會齊侯于夾谷

敬王三十六年魯侯會吳伐齊五月克博至於嬴

漢

高祖四年韓信襲破齊歷下軍至臨淄擄田橫於濰水灌嬰敗田橫於嬴

光武建武五年以陳俊為泰山太守行大將軍事張步連結泰山羣盜與

俊戰於嬴俊大破之追至濟南克復諸縣一郡始平

獻帝時泰山賊郭祖等依山為寇剽劫近縣曹操使泰山太守呂虔督青州諸郡兵討東萊羣盜於嬴淄之境

唐

萊蕪縣鄉土志

六

僖宗中和四年武甯將李師悅與尚讓追黃巢至瑕邱敗之巢眾殆盡走至狼虎谷巢甥林言斬巢首將詣時溥沙陀軍奪之並斬言以獻

宋

甯宗嘉定五年金泰安劉二祖兵起掠淄沂等州縣八年夾谷石里哥破二祖斬之

甯宗九年金郝定稱帝於山東攻陷兗州諸郡萊蕪新泰等十餘縣道路不通侯摯帥師進擊執定送汴京誅之

元

順帝二十七年明兵徇邑城下之是歲元亡

明

永樂十八年蒲臺妖婦唐賽兒反劫掠邑境都指揮衛青破之正德六年畿內賊劉六等攻陷邑城知縣熊驂主簿韓塘死之

崇禎十二年羣盜聚於邑境西北之香山巡按郭公單騎入山開誠慰撫賊衆感激流涕願為良民因立碣紀之

崇禎十四年巨盜史東明率衆數萬由泰安犯邑境所過殘滅總兵劉澤清營將毛邦貴密會邑紳畢維地等夜斫賊營大破之於吐子口東明中流矢死餘黨悉平

崇禎十六年二月初五日大清兵東下城陷知縣馮守禮力戰死之訓導張夢麟亦不屈死

國朝

順治元年四月賊闖遣偽知縣劉復炎到縣收鄉紳富戶索餉備諸慘虐五月大清定鼎燕都邑人聚衆殺復炎投總督王鼐永鼐永令紳董招撫新泰以南郡縣皆下之

順治五年鄒滕泗嶧土寇竊發蹂躪邑境殆徧八年土寇復入多被劫掠

知縣董國臣請兵會剿守道張興濟巡道李吉士率兵追殺賊不敢復入境

咸豐十一年拾匪大股數十萬由濟甯北竄二月十一日至泰安本境紳董率鄉團數千人禦之於范家莊與賊距溝而陣自辰至午相持不下後賊勢益厚鄉團度不能支急收隊而賊已呼嘯過溝維時賊騎壓境烽煙四起鄉兵突為所衝頗有傷亡邑庠生孟國僑及鄉勇數十人皆遇難人自危團長急飭各隊勿妄動悉以槍礮向外度不中不發賊四面兜抄而鄉兵益奮厲且戰且却申刻潰圍出賊由吐子口東竄青州界博山之防青石關者亦潰十四日賊始全數出關去垂楊保一帶殺掠不可勝計八月賊大股又至彌滿山谷所過村落付之一炬十月賊復由章邱出錦陽關西竄是年賊入境凡三次同治二年三月拾匪過境六年五月復過境

耆舊錄

實行孝友

明  
元才字茂育號成所贈成德郎戶部廣西司主事父邦宦值大役逮於庭才十餘齡詣庭訟之邑令驚異為釋邦宦家業凋落至無容膝地才與孺人李氏曲盡色養居喪毀瘠踰常撫弱弟及猶子懇以至于之偉以功名忠節顯

譚其任字覺斯東廂保廩生孝友性成仲弟疾非祗人腹不得寢任垂腹承之雖溽暑不倦崇禎癸未難作與弟其數守城死

吳昞字以暄少孤依母周氏勤學不少休伯兄暉大器之舉崇禎丙子鄉試癸未之變母聞城破驚悸死昞仰天慟哭觸石以殉

吳喬通暉少子兄喬皋被兵脅喬通匍匐救曰吾自有金兵釋皋乃笑曰

萊蕪縣鄉土志

無金也見兄被迫故誑言耳遂遇害

呂民望邑諸生黃山保人父歿廬墓三年不如菜果母病思食白鴿民望徬徨無計忽見墓傍一鴿因取以供母母疾遂愈

陳王政事繼母至孝崇禎庚辰大饑母拮据供饘粥無餘即不食政泣曰母飢兒何能飽必俟母食而後食否亦竟不食也二子龍文鳳文亦孝土寇竊發相戒不入其鄉

張布號東巖石馬保人性孝友時以產裕役繁恐遺老父弱弟累乃輟讀應賦役弟以事干邑令怒捕之急令素巖酷禍且不測布挺身出語令曰布居長有役役布有罪罪布弟孱而愚請以身代令怒旋解弟得釋及弟卒撫猶子不異已出

國朝

孟玉佩繼母楊生弟與妹不能並乳玉佩以弟付妻段鞠之一夕偕弟及

己子同寢有狼猝至玉佩急抱弟呼救狼驚去子亦無恙析居後弟產業蕩盡輒以己產與之弟或餒玉佩亦為之不食

元必迪之偉子康熙戊午舉人六歲時父殉難大同必迪扶櫬間歸里人以為難母病投諸藥不效時值亢旱醫曰若得雨水調藥尚有冀也必迪夜仰天號泣次日果雨母立愈

朱應麟字仄雪邑諸生父歿哀痛成疾比葬前一夕一慟而絕臨終謂家人曰吾死以麻衣殯將哭我父於地下也妻劉氏誓不獨生號泣月餘亦死

呂安坤垂楊保林馬莊人咸豐十一年捻匪至安坤偕弟雲登走山谷中遇賊迫雲登負送財物雲登素怯弱不欲行賊怒將殺之安坤急應曰余也往賊喜而釋雲登後安坤自賊中逃歸得無恙

李新春毛埠保將山後莊人咸豐十一年捻匪入境新春與其父避亂山

中賊至父猝為所掠新春號泣入羣賊中願以身代父賊憐而釋之掠新春去距數月卒自拔歸人以為孝德所致云

呂憲廣呂憲賡兄弟也王善保芹村人性孝友尚氣節同治癸亥春捻匪大至兄弟才弱冠時村外數百人與賊戰不勝即奮戈出援賊圍之數重憲賡已殺數賊潰圍出矣已而知兄未歸復陷入尋兄遂同遇害尸被焚

實行節義

明

元之偉字坦之天啟壬戌進士令成安調濬縣以強直聞有鐵面不發私書之誦陞河間知府權豪大璫悉裁以法時流寇猖獗鄰郡多陷之偉預為守禦計高閣督師所至煩擾之偉預設營房於郭外百姓安堵收養難婦得山東一百五十口悉給贖歸里旋陞陽和兵備道李自成渡河守將與賊通脅之偉降之偉不從乃潛檄賊黨十餘人從壁後出刺之偉創甚

明日以羶裹之偉載迎賊終不屈遂遇害

蘇兆斗邑庠生慷慨仗義督鄉兵勦流賊史東明力戰不勝賊執而焚之  
畢維地如松之孫邑庠生以國戚授儀衛司都指揮使崇禎十四年山東  
盜起破產市馬募兵佐縣令保萊境

李本弘治間歲荒捐粟八十石賑饑鄰境賴全活者甚衆奉旨表其門曰  
仗義李本之家

張統白店保人性好施予捐金倡修義學於吐子口設公所歲置措數十  
助貧喪不能舉者又於荒歲助牛力紓種令民不失業兩院各道俱移文  
獎之

秦攀盧城保人嘉靖壬子歲饑民走萑苻中者甚衆攀泣諭曰若等何自  
苦吾能活汝悉出家粟賑之民不為盜又捐資修大廟戟門士類重之

趙永祿任太醫院吏目賦性朴厚嘗捐地百畝為學田歲饑輸粟百餘石

萊蕪縣鄉土志

十

賑濟全活甚衆

國朝

韓銓字新水垂楊保人監生順治初流寇未靖銓應募為練總有保障功  
賊匿山谷以數騎誘致銓與呂明新韓似徵同遇害

孟國僑字非木封邱保人邑諸生少慷慨有至性咸豐十年擒匪犯新泰  
國僑倡立民團設奇兵伏要害賊不敢犯十一年二月賊由泰安東竄國  
僑集鄉兵千人要之范家莊賊虜至鄉兵潰國僑轉戰數里身被數創血  
濺衣盡赤下馬步鬪力竭而死

胥吉泰新興保人范家莊之役吉泰率其鄉人以從途中謂鄉人曰茲役  
能卻賊固善不能必殺賊而死諸君能從我乎衆皆踴躍比至范家莊賊  
已大至吉泰以身先之遂與其鄉人同遇害妻魏氏投井死子應水亦以  
罵賊為所殺

張梅溪邑諸生白店保人同治癸亥捻匪入境梅溪慷慨誓衆為守禦計會賊遊騎薄土圩下梅溪以數百人擊之戰方酣賊大股奄至梅溪大呼曰諸君勉之男兒報國正此時也因奮戈擊殺賊數十而死潘紹龍字雲會鎮里保人為藩署掾吏樂善有至性出貲數千緡建義塾一區延師教子姪及四方來學之士邑中宿學科名多出其中元清言字玉霏監生西廂保人性慷慨尚節義邑舊無考院歲科試士於縣署堂下諸童皆自舁棹凳猝遇風雨苦難堪清言惻然與邑紳呂傳誥等倡建試院工繁費鉅訛言四起董事者皆遠巡去獨清言不為動工用以成

著述

譚性教著黃雪山房詩文集十二卷

陶堯俞著大易講義

張四教著大榆山房詩文集

魏錫祚著樹德堂詩文集

陳明新著身心圖說八篇

呂源著悔過錄大事記

吳毓珍著易理圖說

程雲著松壺詩集 無解集

張嵩著在青集

呂思問著困學錄

張受采著學庸臚義

萊蕪縣鄉土志

十二

呂伯梓著雙溪詩集

張鼎文著三禮摘要 批註離騷招魂賦

張湘著榆蔭堂文集

王曰倬著軒渠集

潘紹烈著詩文集曰潘太史遺稿

名臣循吏

晉

羊祜字叔子武帝時詔以泰山之南武陽東牟南武城梁父新泰五縣為南城郡封祜為南城侯事見晉史本傳

元

董克忠毛埠保人秉道嫉邪忠義赤心至元間拜監察御史

明

吳鴻洙字文衢萬曆丙戌進士父來朝知榮河縣事有惠政民建生祠祀之鴻洙年少登第筮仕工曹歷郎署七年凡視大工者三制節謹度不令中貴人耗蠹其中省水衡錢以數萬計擢浙少參政主督漕盡祛積弊會倭警浙東告急兩臺擇備兵其地者曰非吳鴻洙不可乃疏請徙鴻洙往晉憲使專制並海以東倭勢方大廟議欲聽倭和且封之許由甯波通貢

朱無繇鄉土志

十三

鴻洙特上疏力言封不可假貢不可通竟寢其議識者韙之

吳鴻功字文勳號鳳岐來朝季子萬曆戊子解元己丑進士改翰林院庶吉士任吏科給事中尋轉兵科陞山西提學道晉陝西固原參政政績文章一時卓著

畢如松萬曆壬午舉人出宰新安日有中使問及萊礦如松曰恐公以採礦往以討叛歸耳中使乃止遷隆德令裁驛挫璫除殘賑饑稱循卓馬擢甯羌州知州請就近以蜀鹽易晉鹽至今使之遷西安太守賢聲益著李九官字相虞號雍時東廂保人父邦佐好陰行善事四十始舉九官九官成進士司李荊州斥稅耗五千金旋授山西道御史出按宣大嚴保甲繕亭障清屯勵士與之更始澄清之譽動搖山嶽內艱起復補江西道再按浙江以疾歸

吳暉字中陽號瞻城萬曆戊戌進士初任歸德司李毅直不阿觸直指怒

被劾格於部議調鎮江理直道事上多所平反轉戶部郎管密雲糧儲密雲久呼庚癸絡繹向司農告匱時至士馬飽騰而無一字請發司農異之手書稱嘆

呂大成字四如王善保人領天啟辛酉鄉薦崇禎辛巳選阜城令歲餘兵薄城下城陷被執不屈死之士民具大成忠烈狀上之當事將入告會鼎不果行

### 國朝

張四教字道一號芹止年四十成順治丙戌進士任平陽府推官斷獄明決無冤滯擢督捕司主事轉車駕司員外郎超授山西提督學政藻鑑精微稱知人第一崇澤州奇陳廷敬之才拔以冠童子軍秩滿再舉卓異陞按察司副使特簡延榆綏兵備道秦中因徭役十室九空至則馳檄傳諭禁科斂招流亡興學勸農泣任三年軍民大悅

魏似韓字公度垂楊保人順治己丑進士授陝西鄠縣知縣鄠舊多弊政賦外復行私派歲斂民萬餘金似韓至悉除之以卓異擢工部主事

劉國英字樂三汶南保人康熙庚辰進士任江西泰和縣知縣興學課士政簡刑清六年行取入都授吏部文選司主事轉補驗印司郎中值樂亭縣大饑國英費帑金二萬賑之事竣回京途次遇饑民流徙者尚多國英悉資遣歸全活無算特擢戶科掌印給事中獨立敢言不避權貴

魏錫祚字子晉垂楊保人康熙庚辰進士初任河南林縣知縣以卓異陞江南泰州知州泰州濱海與湖多水患祚相視地勢浚河築隄水患少息俗素强悍且健訟多疑獄祚發奸摘伏囹圄幾空人以為神重修學宮及胡安定先生祠士風丕振任十有三載泰州人尸祝之

張嵩字立人四教之孫康熙己丑進士授衡陽縣知縣衡陽額賦五萬有奇並折徵漕運名目甚繁嵩為分限四時輸納又革禁吏胥之主櫃者民

力以寬

韓珏字合璧垂楊保人雍正癸丑進士任奉節知縣奉節城郭夔州鹽例辦於商豪民買小店水次商鹽至盡分之高其價以售民大困珏始議禁革豪民持二千金求免珏叱去卒革其弊夔無井居民悉汲於江珏察知城中有利民池久湮為濬而廣之以竹筩引北山甘泉曲折注池內民用以足夔久困於火珏捐大筩四百分置街巷令貯水立擔頭四名名統百夫各具筩又多製號衣並器具每火起聞礮聲則齊力以救火不能災值歲歉上官議令民捐穀珏以民貧為請卒得免其為政先教化而後刑罰擇諸生中品方行潔者為之長又於四鄉慎簡鄉約歲時假以禮貌示民有所觀法

潘紹烈字子駿號西邨鎮里保人道光己丑進士翰林院庶吉士改授元氏縣知縣時 詔幸髻髻山紹烈督役治道有中官索賄弗遂語侵紹烈

萊蕪縣鄉土志

十五

紹烈怒立柱之中官走訴於朝將致之罪上察其直置不問以丁艱歸起復為歐寧縣知縣訓俗型方一時多所競勸

名宦祠

漢

范冉 韓韶

唐

韋嗣立

宋

雷有終 龔鼎臣 廉公諤

元

趙尚敬 和道 申楫

明

國朝

李得 伍禮 馮永固 何繼周 熊驂 王政 陳甘雨 傅國璧  
馮盛明 王命說 張宏襟 胡士奇 馮守禮

穆從墨 武士豪 鍾國義

鄉賢祠

晉

贈侍中太傅征南大將軍南城侯羊祜

全

處士王直夫

元

領國將軍都元帥劉瑀

監察御史董克忠

萊蕪縣鄉土志

十六

副元帥楊保

明

浙江參政吳鴻洙

西安府知府畢如松

陝西固原參政吳鴻功

大同巡道吳暉

戶部廣西主事元才

陽和兵備道元之偉

國朝

延榆綏兵備道張四教

工部屯田司主事提督寶源局署本司郎中魏似韓

忠義節烈祠